

03.04.2013.

"Bekto Precisa" u Vitkovićima otvara 60 radnih mjesta



Vlada BPK Goražde usvojila je nacrt odluke o utvrđivanju javnog interesa za raspolaganje imovinom putem specijalne pogodbe u korist privrednog društva „Bekto Precisa“ i zadužila Ministarstvo privrede da pripremi nacrt ugovora koji će biti upućen Skupštini u daljnju proceduru.

S ciljem proširenja svojih proizvodnih kapaciteta privredno društvo „Bekto Precisa“ uputilo je Vladi ponudu za preuzimanje nekretnina na lokalitetu Industrijske zone Vitkovići, gdje ova kompanija, uz investiciju od 1 250 000 KM, namjerava otvoriti 60 novih radnih mjesta. „Bekto

Precisa“ jedan je od pokretača ekonomskog razvoja BPK Goražde i trenutno upošljava 357 radnika.

– Jedna od najznačajnijih stvari iz ovog sporazuma je da je prosječna plata u industriji BPK 630 KM, a da će u „Bekto Precisi“ radnici imati prosječna primanja od 1400 KM. Ova kompanija u Vitkovićima planira izgradnju najsavremenije alatnice gdje će visokostručna radna snaga proizvoditi dijelove za automobilsku i druge grane industrije – kazao nam je ministar privrede BPK Demir Imamović.

U Industrijskoj zoni Vitkovići kompanija „Prevent“ je zaposlila oko 1100 radnika, u toku je izgradnja pogona firme „Emka Bosnia“, a interes za ulaganje, uz „Bekto Precisu“, izrazilo je još nekoliko manjih preduzeća.